

# 近代中国船政

## 大事编年与资料选编

第五册

刘传标 编纂




九州出版社 | 全国百佳图书出版单位

# 近代中国船政

## 大事编年与资料选编

第五册

刘传标 编纂



船政奏議彙編卷十一

沈葆楨四

報銷船政經費摺

奏爲閩廠辦造輪船年久費繁謹核用款大數截

清月日援案開單彙報懇

恩准銷恭摺具陳伏祈

聖鑒事竊維國家自強之計於創造輪船肇其端其  
辦之難其費之鉅臣未受事以前雖心知之究

所謂難者如何所謂鉅者如何尙無能預揣累  
年以來身親其役始知前此籌及者不過曰廠  
工船工購器僱匠學習製造駕駛數大端而一

端之中始終之層次分出之條目曲折之變態  
何止百十端事既日增費亦日溢誠非筆墨所  
能罄左宗棠勅議之疏惟云但求其良寬給其  
值迨臣莅工而後應辦工程應發欵項往往有  
從前未經議及者曾據實

奏明奉

旨勉爲其難毋得瞻前顧後等因欽遵在案經始之時  
不但以成船爲期必能自造自駕乃於自強之  
意有全局外方以洋人祕其要領爲慮以中國  
艱於學步爲虞臣無事不存節費之思亦無日

敢懷吝費之見偷漏者銖兩必誅奮勉者細微必賞無非以鼓勵誘進爲心以經久遠圖爲計仰賴

朝廷體恤輪船得以依限告竣製造駕駛尙能師其成法惟一切用款與原議萬不能符當時所估購輪機募洋匠鐵廠船槽學堂洋樓併製器買地等款不過四十三四萬兩今則何止倍蓰就廠工而論初但曰五廠耳今塢內所蓋其砌甃者曰鑄鐵廠曰輪機廠曰合攏廠曰大鐵廠曰水缸廠曰大火爐屋曰轉鋸廠曰繪事樓其

架木者曰拉鐵廠曰鎚鐵廠曰打鐵廠曰小輪  
機廠曰木模器具廠曰舵舵舢舨廠曰帆纜廠  
曰鐘錶廠曰船亭曰船臺曰船槽曰鐵天車馬  
頭餘若鐵轍風隧鐵爐煙筒其用只一端其工  
則經年累月始就者殊難枚舉也塢外者初但  
曰學堂洋樓耳今則學堂有前後之分而藝童  
下處隨之而增大洋樓四座以居洋員大洋房  
四所以居洋匠臣與各員紳辦事公所外曰東  
西考工所曰藝圃曰健丁營棚曰儲材所曰機  
器所曰廣儲所曰甌窑廠等處物質龐重棟宇

宜寬人工既多拓地益廣至鎮廠之

神宮捍水之石壩逐漸興建者又難以枚舉也且  
機器非不已購也而配座配檳零星添造之費  
不知凡幾洋匠固有月辛也而撤招路費傷亡  
卹賞禮拜補工之款殊難斬給藝童以外又有  
藝徒工匠以外又有健丁千夫萬杵併日連宵  
所有情形雖陸續上陳未能十盡三四蓋外國  
造船頻年有之爲洋將所親見雖中外有難易  
之不同而所估不致懸絕外國造廠在百數十  
年以前日新月異乃成鉅觀其締構之艱洋將

無由親見之故所估懸殊也今核製船經費經

前督臣左宗棠奏撥閩海關四成結欵銀四十

萬兩爲購器建廠等項之需以後按月解銀五

萬兩嗣因經費支絀於十二年正月間臣等會

奏請自是年正月起至十二月止每月添撥銀二

萬兩經總理衙門議由閩省茶稅項下提撥奉

旨允准各在案計自同治五年十一月十七開局之日起

截至十三年六月底止共計收閩海關結欵

銀四十萬兩閩海關月欵銀四百七十萬兩福

建稅釐局解銀二十六萬兩又收犒賞限滿洋

匠剩銀五百八十八兩五錢二分三釐四毫統  
共收銀五百三十六萬五百八十八兩五錢二  
分三釐四毫除造船購器蓋廠贍工等項支用  
銀五百一十六萬四千四百八十九兩二錢五  
分七釐又摺支養船經費銀一十九萬一千四  
百五十八兩九錢七分六釐五毫二忽一微統  
計共支銷銀五百三十五萬六千九百四十八  
兩二錢三分三釐五毫二忽一微實存銀三千  
六百四十兩二錢八分九釐八毫九絲七忽九  
微此年來製船實用之款項也至養船經費於

同治八年五月間經前撫臣卞寶第同臣會

奏請七年三月以後將福建稅釐局所收洋藥票稅銀兩撥濟嗣於十三年十二月間經臣以籌

辦海防輪船往來如織需費益多養船不敷

奏請自十三年四月十六日起將洋藥票稅併各

船薪糧歸入臺防項下收支在案今計自同治

八年八月起至十三年四月十五日止共收福

建稅釐局解來票稅銀四十二萬九千三百七

十二兩八錢一分三釐七毫九絲七忽九微除

自六年八月起截至十三年四月十五日止共

支銷養船各款銀六十二萬一千八百三十一  
兩七錢九分三毫外尙不敷銀一十九萬二千  
四百五十八兩九錢七分六釐五毫二忽一微  
係就製船項下挪用此年來養船實用之款項  
也臣自開辦船政以來卽飭在工人等一面極  
力講求製造駕駛之方一面鉤稽大小費用之  
數雖逐日登記不敢曠遺無如事爲艸舉器具  
工作皆耳目所未經言造船或馬力同而配製  
不同言蓋廠或丈數同而間架不同言購器或  
斤磅同而機關體質不同言辦料或名目同而

精麤鉅細不同且西匠擇材務精稍不中繩墨  
卽棄而弗收甚有工程甫半忽思變更營造旣  
成改求新異此等情事誠有如直隸督臣李鴻

章前邊

旨籌畫輪船善後疏中所言者若必廠歸各廠船歸各  
船工歸各工料歸各料縷析而條分之雖監工  
員紳日數十人把筆其側亦瞠目而無可如何  
反覆思維智盡能索而時近十年案牘山積若  
不及時截報過此以往更轢轢難清臣智術短  
淺本無理繁治劇之能況事關糊辦無可憑依

祇有竭其愚衷實支實用以仰副

國家委任之意謹援照天津機器局成案將製船  
以及養船各款截清年月據實開具簡明清單

恭呈

御覽仰懇

天恩逾格准予開銷以清積牘至製船單內存剩銅  
鐵木料煤斤及購存鋼礮等款留備六月以後  
船工撥用合併聲明除咨總理衙門戶部兵部  
工部查照外理合會同大學士一等伯陝甘總  
督臣左宗棠福州將軍臣文煜閩浙總督臣李

鶴年福建巡撫臣王凱泰恭摺具陳伏乞

皇太后

皇上聖鑒謹

奏

光緒元年正月三十日拜發奉

旨該衙門知道單二件片一件併發欽此

謹將製船經費自同治五年十一月十七日起  
截至十三年六月底止收支各款數目開具簡  
明清單恭呈

御覽

謹開

舊管

無項

新收

一收閩海關解結欵銀四十萬兩

一收閩海關解製船經費自同治五年十二月

起截至十三年六月底止連閏計九十四箇  
月每月銀五萬兩共銀四百七十萬兩

一收福建稅釐局解製船經費自同治十二年  
正月起至十二月底止連閏計一十三箇月

每月銀二萬兩共銀二十六萬兩

一收犒賞洋員匠用剩銀五百八十八兩五錢  
二分三釐四毫

以上共收銀五百三十六萬五百八十八兩五  
錢二分三釐四毫

開除

一支製造二百五十四馬力輪船一號並應配  
機器舢舨一號帆桅舢舨五號小舢舨一號  
暨衣旗傢伙器具工料價腳銀二十五萬四  
千八百九十三兩八錢一分一釐八毫

一支製造一百五十四馬力輪船九號並應配  
機器舢舨一號帆桅舢舨三十五號小舢舨  
九號暨衣旗傢伙器具工料價腳銀一百四  
十七萬五千九百六兩一錢八分二釐七毫  
一支製造八十四馬力輪船五號並應配帆桅  
舢舨二十號小舢舨五號暨衣旗傢伙器具